

Norðurland

FIMMTUDAGUR 22. MARS 2018





Edda Sól Jakobsdóttir er frá Grindavík en ákvað að ganga menntaveginum á Akureyri og er mjög ánægð með þá ákvörðun.

**SUNDLAUG
AKUREYRAR**
Vatnaveröld fjölskyldunnar

Opið á skírdag, föstudaginn langa,
laugardag og páskadag 9.00-19.00.
Annar í páskum opið 9.00-18.30.

**Sundlaug
Akureyrar**
Sími: 461 4455
www.visitakureyri.is

Frábær tækifæri hjá MA á Akureyri

Leikfélag Menntaskólans á Akureyri verður með síðustu sýningu á LoveStar eftir Andra Snæ Magnason í Hofi í kvöld. Edda Sól Jakobsdóttir leikur eitt aðalhlutverkið.

Elin
Albertsdóttir
elin@frettabladid.is



Leikfélagið vakti mikla athygli í fyrra fyrir uppfærslu sína á söngleiknum Anný en Edda Sól lék einnig í því verki. LoveStar er söngleikjagerð vísindaskáldsögu eftir Andra Snæ sem Einar Aðalsteinsson leikstýrir. Edda er á lokaári í Menntaskólanum á Akureyri og útskrifast í vor. „Stjórnlíkaleikfélagsins ákvað að setja þetta verk upp í samráði við leikstjóran. Við breyttum handritinu töluvert og gerðum verkið að söngleik. Andri Snær var mjög opin fyrir því að við gerðum það sem við vildum með verkið, breyttum til dæmis karlahlutverkum í kvenhlutverk og öfugt. Við frumsýndum 9. mars við mjög góðar undirtektir gesta í Hofi. Þetta er búið að vera frábært ferli og æðislegt tækifæri fyrir okkur í menntaskólanum að koma fram í Hofi sem er meiriháttar salur. Auk þess er leikritið skemmtilegt og við leikendur höfum skemmt okkur vel,“ segir Edda Sól.

Andri Snær kom á frumsýningu verksins og Edda segir að hann hafi verið mjög sáttur. „Það var æðislegt að hitta Andra og rabba við hann. Það var líka gaman hvað hann var ánægður með sýninguna,“ segir Edda.



Úr sýningunni LoveStar eftir Andra Snæ Magnason. Þarna er Edda í hlutverki sínu.

Um fimmtán manns koma fram í sýningunni, leikarar, dansarar og kór. „Það er mikill áhugi á leiklistarfélaginu í skólanum. Margir nemendur koma í prufur. Ég er búið að vera í leikfélaginu öll árin mín hér og þar sem þetta er síðasta árið mitt er ekki leiðinlegt að enda á svona flottri sýningu,“ segir Edda sem stefnir á fjölmiðlafræði í Háskólanum á Akureyri næsta ár. „Þrátt fyrir leiklistaráhugann langar mig meira í fjölmiðlafræði,“ segir hún. „Ég hef líka mikinn áhuga á framkomu og hef lært margt um hana í leiklistinni. Leiklistin kemur alltaf að góðum notum og ég vonast til að halda áfram í áhugamanna-leikhúsi.“

Nemendur útskriftarþekkingar fóru í útskriftarferð til Króatiú á síðasta

ári. „Hefð er fyrir því að fara í ferðalag á þriðja ári en það mun væntanlega breytast þegar menntaskólinn stytst í þrjú ár. Þetta eru búin að vera fjögur góð ár á Akureyri og margt að gerast. Ég hef eignast fullt af vinum og liður vel hérna.“

Edda Sól er Grindvíkingur en ákvað að fara til Akureyrar í menntaskóla. „Heimavistin gerði mér kleift að vera hér í námi. Ég sé alls ekki eftir að hafa valið þennan skóla. Ég hef fengið fullt af góðum tækifærum í leiklistinni, ég er ritstjóri skólablaðsins og hef verið í skemmtinefnd. Það hefur því verið nóg að gera og mjög skemmtilegur tími. Mér finnst góð tilbreyting að prófa að búa annars staðar á landinu. Ég sé líka betur hvað foreldrar mínir gera mikið fyrir mig.“

HALLÓ PÁSKAR!

Allt um viðburði í bænum á
www.visitakureyri.is



Jónas Sig
og Ritvélar framtíðarinnar



Baraflokkurinn ásamt Lost



Sóli Hólm uppistand

U2 Heiðurstónleikar



Matteusarpassían



Pálmi Gunnarsson



Komdu
nordur!

Grease tónleikar



Sjeikspír eins
og hann leggur sig

HAM



Galdrakarlinn í OZ



Beebee and the Bluebirds
ásamt Lucy in Blue



Iceland
Winter
Games



Iceland Winter Games
23.-25. mars

Pálmi Gunnarsson
24. mars í Hofi

Matteusarpassían
Skírdag 29. mars í Hofi

Beebee and the Bluebirds
ásamt Lucy in Blue
23.mars á Græna Hattinum

Sjeikspír eins og hann leggur sig
23. og 31. mars í Samkomuhúsinu

Sóli Hólm uppistand
30. mars á Græna hattinum

Grease tónleikar
23. mars í Hofi

HAM
28. mars á Græna hattinum

Galdrakarlinn í OZ
– Leikhópurinn Lotta
31. mars & 2. apríl í Hofi

U2 Heiðurstónleikar
24.mars á Græna Hattinum

Baraflokkurinn ásamt Lost
29. mars á Græna hattinum

Jónas Sig og Ritvélar framtíðarinnar
31. mars & 1. apríl á Græna hattinum

#hallópáskar



Tækifærin eru til staðar á Norðurlandi

Tveir þingmenn Norðausturkjördæmis eru sam-mála um að allar forsendur séu fyrir góðu mannlífi og öfluggu atvinnulífi á næstu árum á Norðurlandi.

Starri Freyr
Jónsson

starri@frettabladid.is



Anna Kolbrún Árnadóttir settist á þing fyrir Miðflokkinn á síðasta ári en hún hefur búið á Akureyri stærstan hluta ævi sinnar. Hún segir helstu styrkleika Norðurlands liggja m.a. í frjóu mannlífi auk þess sem þau séu svo lánsöm að hafa góða skóla á öllum skólastigum sem styðji hverjir aðra bæði í formlegu og óformlegu samstarfi. „Þetta samstarf leiðir svo af sér góða tengingu við atvinnulíf, menningu, ferðamennsku og margt fleira.“

Hún sér fyrir sér góðan vöxt á svæðinu næsta áratuginn en þar þurfi þó allar hagaðilar að vinna áfram saman og móta sameigin-



Anna Kolbrún
Árnadóttir,
þingkona Mið-
flokksins.

MYND/ERNIR

lega stefnu þannig að svæðið nái sem bestri stöðu. „Mér finnst mest spennandi að þróa svæðið þannig að vel verði staðið að fjölskyldum og að við tökum utan um einstaklinga frá vöggu til grafar. Að allir njóti aðstoðar þurfi þeir á henni að halda og að einstaklingar upplifi sig sem hluta af heild. Ég vil gjarna sjá fleiri fyrirtæki á svæðinu með fjölbreytta starfsemi og samhliða því vil ég sjá aukna nýsköpun sem laðar þá að fleiri til þess að búa hér og heldur vonandi í alla þá sem annars myndu flytja burt. Það finnst mér mest spennandi og jafnframt töluverð áskorun.“

Hún segir Norðlendinga með eindæmum hjálpsamt fólk. „Ef einhver festir sig t.d. í skafli á bilnum þá eru um leið komnir allavega tveir eða þrír jeppar til að draga viðkomandi af stað. Þetta sést sjaldan á höfuðborgarsvæðinu er ég viss um.“

Aðspurð hvort hún geti nefnt

nokkrar faldar perlor sem islenskir ferðalangar ættu að kynna sér segist hún ekki beint vilja auglýsa þær. „En ætli það sé ekki auðvelt að benda á öll litlu söfnin sem eru á Norðurlandi. Eins er hægt að velja að pakka nesti og fara í sveitaferð, svo eru ýmiss konar kaffihús og veitingastaðir sem öll hafa sína sérstöðu.“

Háskólinn í lykilhlutverki

Njáll Trausti Friðbertsson hóf formlega afskipti af bæjarmálum á Akureyri árið 2010 sem varabæjarfulltrúi og fjórum árum síðar sem bæjarfulltrúi. Hann settist á þing árið 2016 fyrir Sjálfstæðisflokkinn og segir stóra málið vera uppbyggingu meginflutningskerfis raforku á Norðurlandi. „Sú ótrúlega staða sem komin er upp hér á Norðurlandi í þessum málaflokki er með hreinum ólíkindum. Lélegt dreifikerfi hefur haft afar slæm áhrif á atvinnuuppbyggingu á svæðinu undanfarinn



Njáll Trausti
Friðbertsson,
þingmaður
Sjálfstæðis-
flokks.

MYND/AUÐUNN

áratug og það þarf að laga strax.“

Aðspurður um helstu styrkleika Norðurlands nefnir hann fyrst Háskólann á Akureyri sem gegni lykilhlutverki í framþróun svæðisins og um leið mikilvægu hlutverki á landsbyggðinni. „Hlutverk skólans nú þegar við förum inn í fjórðu iðnbylt-inguna verður stórt og mikilvægt og vonandi tekst að byggja upp frekara nám sem snýr að tækni og raungreinum á næstu misserum. Okkar góðu framhaldsskólar gegna líka stóru hlutverki í þessu samhengi.“

Hann nefnir einnig ferðapjónustuna sem hefur styrkst ásamt öllum innviðum hennar. „Við erum að sjá mun fjölbreyttari þjónustu við ferðamenn en áður og það hefur gefist vel. Menningarlífið hefur einnig verið öflugt á svæðinu og er mikil gróska á þeim vettvangi.“

Allar forsendur eru fyrir hendi fyrir góðu mannlífi og öfluggu atvinnulífi á næstu árum á Norður-

landi segir Njáll. „Það eru gríðarlega miklir möguleikar í uppbyggingu ferðapjónustunnar á svæðinu og þá gegna góðar samgöngur inn á svæðið lykilhlutverki og þá sérstaklega ef það á að nást árangur við að byggja upp heilsársferðapjónustu á svæðum sem eru lengst frá Keflavíkurlflugvelli. Það er gaman að fylgjast með öflugri uppbyggingu ferðapjónustunnar hér á Norðurlandi með fjölbreyttu úrvali afþreyingar fyrir ferðamenn.“

Hann nefnir nokkrar náttúru-perlur sem hann hvetur Íslendinga til að skoða á ferð sinni um Norðurland. „Þar má m.a. nefna Flateyjardal, Grímsey, Fjórðurnar og Laxárdal. Ekki má síðan gleyma norðausturhorni landsins sem mig grunar að margir Íslendingar hafi ekki kynnt sér, t.d. Melrakkaslétta og Þistilfjörð. Það er af nógu að taka og fjölbreytileiki svæðisins til ferðalaga er mikill.“

Lifa
borða
njóta

aurora
CAFE • BAR • GRILL

AKUREYRI
Icelandair Hotels

Lífsins lystisemdir bíða þín á Icelandair hótél Akureyri. Njóttu góðrar hvíldar í björtu herbergi með fallegu útsýni yfir bæinn og gómsætrar máltíðar á glæsilega veitingahúsinu okkar, Aurora Restaurant.

Við tökum vel á móti þér!

Icelandair Hotels

www.icelandairhotels.com

Icelandair Hótél Akureyri | Þingvallastræti 23 | Akureyri | 518 1000



BJÓRBÖÐIN

• S P A •



Iceland's very first beer spa opened in June 2017. Bjórböðin SPA is located in Árskógssandur in the north of Iceland. There you will soak away the stress of modern life by relaxing in a bath of warm beer.

All the tubs also have a draft beer tap alongside so that visitors aged 20 and over can help themselves to a cold one while they bathe.


We also have outside tubs with amazing views and a restaurant with beer related food.

To book you can visit our website www.bjorbodin.is or by email bjorbodin@bjorbodin.is

Bruggsmidjan Kaldi is located 100 meters from the Spa. You can have a walk through the brewery, hear the story and you get to taste our variation of beers.

The tour takes about 45-60 minutes.

bruggsmidjan@bruggsmidjan.is
or tel **466 2505**.



Bjórböðin ehf. | Ægisgata | 621 Árskógssandi

www.bjorbodin.is



Eimskips gámostökkið er stærsti viðburður hátíðarinnar. MYND/ERLENDUR ÞÓR MAGNÚSSON

Einstök snjóþretta- og tónlistarhátíð á Akureyri

Dagana 5.-8. apríl verður snjóþretta- og tónlistarhátíðin AK Extreme haldin á Akureyri. Hátíðin er reglulegur gestur sem býður upp á frábæra skemmtun fyrir alla aldurshópa og setur fjörlegan brag á bæinn.

Oddur Freyr Þorsteinsson
oddurfreyr@frettabladid.is



AK Extreme er snjóþretta- og tónlistarhátíð sem fer fram 5.-8. apríl næstkomandi og hefur verið haldin næstum árlega síðan 2002, með örfáum hléum,“ segir Hreggviður Ársællsson, einn af aðstandendum AK Extreme. „Þetta byrjaði sem veisla, en hefur aldeilis undið upp á sig og notið aukinna vinsælda, bæði sem skemmtun á svæðinu og afþreying fyrir fólk fyrir norðan almennt.“

Alls kyns vetraríþróttaviðburðir

„Hátíðin byrjar á fimmtudagskvöldinu með brunkeppni í boði Origo sem endar svo í grillveislu í Hlíðarfjalli,“ segir Hreggviður. „Það mega allir taka þátt í brunkeppninni og renna sér á skíðum, snjóbotu, bretti eða hverju sem er sem kemst niður brekkuna. Svo höldum við grillveislu með tónlist, gleði og góðri stemningu.“

Á föstudagskvöld er svo mót í Gilinu á Akureyri, sem heitir Burn jib keppni,“ segir Hreggviður. „Það er keppni sem er svolitíð skyld hjólabrettakeppni. Við setjum upp handrið til að renna sér á og það er stökkið yfir bíla og annað slíkt, þannig að þetta er svona göturrennsli, sem er orðið mjög vinsælt um allan heim. Allir sem hafa reynslu af að taka þátt í jib mótum

eru velkomnir, án þess að skrá sig eða neitt, en eftir um klukkutíma rennsli velur dómnefnd, sem fylgist vel með því sem fer fram á svæðinu, nokkra aðila til að keppa til úrslita.“

Á laugardagskvöld er svo stærsti viðburðurinn, Eimskips gámostökkið, þar sem keppt er bæði á snjósleða, skíðum og snjóþrettum,“ segir Hreggviður. „Það fær enginn að taka þátt í því nema hafa verið boðið sérstaklega af dómnefndinni okkar. Ástæðan er sú að við viljum ekki senda neinn upp á gámana nema þeir hafi reynslu. Þannig að bara þau færustu fá að taka þátt.“

Fjöldi keppenda kemur til Akureyrar til að taka þátt í íþróttaviðburðunum, bæði íslenskir og erlendir,“ segir Hreggviður. „Í ár verðum við með þó nokkra erlenda keppendur, meðal annars AK Extreme kónginn, Zoltan Strcula frá Slóvakíu, sem vann í fyrri á snjóþretti. Við fáum líka þrjá erlenda skíðakeppendur sem ætla að taka þátt í gámostökkinu.“

Sunnudagurinn er svona rólegi dagurinn okkar, sem flestir gestir nota til að skemmta sér í Hlíðarfjalli, og þá heldur Fimleikafélag Akureyrar líka AK Extreme Parkour-mót sem fer ört stæklandi,“ segir Hreggviður.

Öflug tónlistardagskrá

Auk íþróttaviðburðanna verður öflugt skemmtanalíf í bænum á meðan hátíðin stendur yfir. „Í ár ætlum við aftur að hefja hátíðina



Það er fjör í Sjallanum þegar AK Extreme fer fram. MYND/HREGGVIÐUR ÁRSÆLSSON



Eimskips gámostökkið er stærsti viðburðurinn. MYND/ERLENDUR ÞÓR MAGNÚSSON

á Græna hattinum með tónleikum og partí á fimmtudagskvöldinu. Þar ætla Une Misère og Dr. Spock að bomba í nokkur desíbel,“ segir Hreggviður. „Þannig að eftir gott hlé verður hið ógleymanlega byrjunarpartí AK Extreme haldið aftur. Þetta hafa verið epísk kvöld eins og elstu menn muna. Það hefur líka aldrei verið eins ódýrt inn á Græna hattinn eins og þetta kvöld, það kostar bara 1.500 kall.“

Yfir helgina spilar svo rjóminn af íslensku hipphoppsenunni á tveggja daga hátíð í Sjallanum. Þar má nefna Jóa Pé og Króla, Aron Can, Birni, Flona, Young Karin, Emmsjé Gauta og fleiri,“ segir Hreggviður.

Í ár lofar Burn svo að bjóða upp á kraftmikla og glæsilega eldvörpusýningu á föstudags- og laugardagskvöld,“ segir Hreggviður. „Þeir sem þekkja til víta að Burn hefur verið með glæsilegar eldvörpur á svæðinu hingað til, en í ár er lofað stærra og skemmtilegra kerfi en hefur nokkru sinni verið sýnt áður í Gilinu.“

Einstök stemning

„Það sem gerir AK Extreme einstaka hátíð er samstarfsvilji allra fyrir-tækja og vina okkar sem vinna að þessu með okkur,“ segir Hreggviður. „Þetta er einstakt snjóþrettamót út af þessari fjölskyldustemningu sem er ráðandi. Menn eru allir af vilja gerðir að hjálpa og við fáum gríðarlegan stuðning.“

Við viljum endilega þakka öllum sem koma að þessu innilega fyrir allt. Það eru allir svo gladdir og það gengur allt svo vel að við gætum ekki verið ánægðari með hvernig þetta hefur gengið. Við höfum líka fengið mikið hrós fyrir og ég held að Akureyringar í heild sinni séu bara nokkuð ánægðir með okkur,“ segir Hreggviður að lokum.

Hægt er að fylgjast með AK Extreme á facebook.com/akextreme-iceland/.

Mývatn kemur stöðugt á óvart

Mývatn er einn vinsælasti ferðamannastaður landsins, enda náttúran, vatnið sjálft og umhverfið engu líkt. Á góðum sumardögum koma fleiri ferðamenn að Mývatni en til Þingvalla en á veturna snýst dæmið við. Við vatnið eru vegir og merktar gönguleiðir sem leiða fólk að áhugaverðum stöðum og er hægt að njóta landslagsins, skoða náttúrufyrirbæri eða

stunda plöntu- og fuglaskoðun. Mývatn er einmitt frægt fyrir fjölbreytt fuglalíf en talið er að á svæðinu haldi sig fleiri andategundir en annars staðar á jörðinni.

Dimmuborgir eru í nágrenni vatnsins en um er að ræða hraunmyndanir sem líkjast helst kynjaverum úr íslenskum ævintýrum. Fyrir jólin má t.d. sjá jólasveina á ferð um Dimmu-

borgir. Frá Mývatni er stutt yfir að Dettifossi, sem er ekki aðeins stórbrotinn heldur aflmesti foss landsins.

Á síðasta ári kom út bókin Undur Mývatns eftir Unni Jökulsdóttur. Unnur hlaut Hin íslensku bókmenntaverðlaun og Fjöruverðlaunin fyrir bókina sem lýsir vel lífinu við Mývatn. Við Mývatn eru hótél, veitingastaðir og önnur þjónusta.



Mývatn er einn vinsælasti ferðamannastaður landsins.



Perla Eyjafjarðar

Hrisey hefur löngum verið kölluð perla Eyjafjarðar en hún býður m.a. upp á fallega náttúru, skemmtilega gistingu- og ýmsa afþreyingu fyrir fólk á öllum aldri. Í eyjunni er m.a. hægt að fara í margar skemmtilegar gönguferðir, bregða sér upp á traktor með heimamönnum í túr um eyjuna, heimsækja hús Hákarla-Jörundar sem er eftirminnileg upplifun, kíkja í sundlauginu og rabba við heimamenn eða bara njóta friðsældar og fjölbreytts fuglalífs á þessum einstaka stað. Matvöruverslun er í Hrisey auk veitingastaða, leiksvæða og frisbígolfvallar.

Ár hvert er haldin Hriseyjarhátíð en hún fer fram í júlí og stendur yfir heila helgi. Boðið er upp á fjölskylduvæna dagskrá sem felst m.a. í óvissuferðum um eyjuna, fjöruferð, kvöldvöku, varðeldi og söng. Hriseyjarhátíðin 2018 verður haldin helgina 13. til 14. júlí.

Ferjan Sævar siglir til Hriseyjar reglulega allt árið frá Árskógssandi og tekur siglingin aðeins um 15 mínútur.

Nánari upplýsingar má m.a. finna á www.hrisey.is.



Ómissandi sælkerastopp

Akureyringar kunna þá list öðrum betur að bera fram girnilegar pulsir og hamborgara. Í bílalúgum eru til dæmis afgreiddar djúpsteiktar pulsir með óvæntu meðlæti eins og rauðkáli, osti, kryddi, frönskum og kokteilsósu og eru algjört lostæti. Vítaskuld er líka hægt að panta hefðbundið pulsumeðlæti í pulsbrauðið; lauk, tómatsósu, sinnep og remúlaði, en hitt sérakureyrnska er einstaklega ljúft og sælt eitt og sér.

Hamborgari með girnilegum, djúpsteiknum frönskum kartöflum á milli er annar akureyrnskur sælkerabiti og hjá mörgum þekktur sem „Akureyrningur“ enda ómissandi bragðupplifun á ferð um Norðurland.

FLJÚGUM HÁTT / LENDUM FALLEGA



HLUTI AF GÓÐU FERÐALAGI

Isavia óskar skíðafólki og öðrum ferðalöngum góðrar skemmtunar og mjúkrar landingar á flugvöllum okkar á Norðurlandi.



ISAVIA



Heitreykt sild

Sildin hefur lengi fylgt Norðurlandi og mátti m.a. finna eina af aðalstöðvum sildveiða landsins, snemma á 20. öldinni, á Hjalteyri. Hér er einföld uppskrift að heitreyktri sild.

Fyrir fjóra

4 stykki heil sild, slógdregin, hreinsuð og hreistruð

Saltþækilinn:

2 lítrar vatn

400 g sjávarsalt

200 g púðursykur

2 hvítlauksgeirar, marðir

1 lárviðarlauf

1 teskeið svört piparkorn

1 stjörnuanis

Fyrir saltþækilinn: Blandið öllu saman í potti og náid upp suðu. Kælið þækil alveg niður og setjið síldina í pottinn. Látið hana marinerast í 5 klst. Takið síldina úr þæklinum og látið þorna. Fyrir reykingu: Raðið kolum í hálfhring í botninn á kúlulaga kolagrilli. Hafið röðina tvo kolamola á breidd og tvo á hæð. Raðið viðarbútum ofan á kolin. Kveikið í fimm öðrum kolamolum og þegar þeir eru orðnir gráir og heitir, setjið þá þétt upp við annan endann á kolaröðinni. Setjið álform með vatni í hinn hluta grillsins og leggið grindina ofan á. Raðið fiskunum með magann niður, þannig að þeir snúi uppréttir, á þann hluta grillsins þar sem kolin eru ekki. Lokið grillinu og heitreykið síldina í um 4-6 tíma. Berið fram með t.d. kartöflusalati og ofnsteiktu grænmeti. Heimild: www.hidblomlegabu.



Sildarminjasafnið er heimsóknarinnar virði. MYND/AUÐUNN NIELSSON

Verðlaunasafn á Siglufirði

Norðurland á sér afar merkilega sögu og þar eru fjölmörg söfn og fræðasetur sem áhugavert er að skoða. Sildarminjasafnið á Siglufirði er eitt þeirra og þeir sem leggja leið sína norður ættu ekki að láta safnið fram hjá sér fara. Sildarminjasafnið er eitt af stærstu söfnum landsins. Sýningar þess eru í fimm húsum, sem samtals eru 2.500 fermetrar. Safnið hefur frá því það var opnað hlotið margvísleg verðlaun og viðurkenningar, svo sem Nýsköpunarverðlaun Ferðamálaráðs, Íslensku safnaverðlaunin og Umhverfisverðlaun Ferðamálastofu. Á safninu fá gestir tækifæri til að kynna sildveiðum og vinnslu á silfri hafins en sú saga er samofin sögu Siglufjarðar. Sildarminjasafnið er opið alla daga frá maí og fram í september en eftir samkomulagi frá október og fram í apríl.

Merkileg náttúrusmið

Ásbyrgi er stórkostleg náttúrusmið með allt að 100 m háum hamrapiljum, sem hækka eftir því, sem innar kemur í gljúfrið. Innst er Botnstjörn með mikilli grósku allt um kring. Ásbyrgi er 3,5 km langt og um 1,1 km breitt. Í miðju þess er standberg, Eyjan, sem er allt að 250 m breitt. Byrgið er skógi vaxið, einkum birki og víði auk reynis. Nokkur þúsund barrtré voru gróðursett þar og dafna vel. Fyllinn verpir í þverhníptum hömrunum en aðrir fuglar í trjáreitum og móum.

Talið er að Ásbyrgi hafi myndast við að

minnsta kosti tvö hamfarahlaup úr Vatnajökli, annað fyrir 8-10 þúsund árum en hið síðara fyrir u.þ.b. þrjú þúsund árum. Síðan hefur Jökulsá fært sig til austurs. Þjóðsagan segir að hinn áttfætti hestur Óðins, Sleipnir, hafi stigið þar niður fæti þegar goðið var á yfirreið. Ásbyrgi er í eigu Skógræktar ríkisins, en er innan Vatnajökulspjóðgarðs og í umsjá hans.

Nánar um Ásbyrgi og Vatnajökulspjóðgarð, www.vatnajokulsthjodgardur.is/



Nú er Lag



Með sveigjanlegu vali dagsetninga getur þú tryggt þér lægra verð hjá Air Iceland Connect. Enda hafa Íslendingar alltaf kunnað að haga seglum eftir vindi.

Finndu rétta daginn fyrir þitt flug á airicelandconnect.is

Air Iceland
Connect

